




ԵԿԵՂԵՑԱԿԱՆ ԲԵՄ. ԼՈՒՐԵՐ

Նոյեմբերի 2-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

• •

Նոյեմբերի 6-ին, կիրակի.—Այսօր Մայր տաճարում, Ավագ և, սեղանի վրա, և. պատարագ մատուցեց Տ. Վարդան քնն. Մըկրտչյանը և «Հայր մեր»-ից առաջ քարոզ խոսեց՝ «Եւ մի՛ ումեք պարտապան գտանցիք, բայց զմիմեանս սիրելոյ» (Առ Հռովմայեցիս ԺԳ 8) բնաբանով:

• •

Նոյեմբերի 9-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

• •

Նոյեմբերի 16-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

• •

Նոյեմբերի 20-ին, կիրակի.—Այսօր Մայր տաճարում, Ավագ և. սեղանի վրա, և. պատարագ մատուցեց գերաշնորհ Տ. Ասողիկ եպս. Արիստակեսյանը և «Հայր մեր»-ից առաջ քարոզ խոսեց՝ «Փառք Ս. Խաչին, ալելուիա, Խաչեցելոյն, ալելուիա, Սրբոյ թաղմանն, ալելուիա, Սուրբ Յարութեանն, ալելուիա» (շարական) բնաբանով:

• •

Նոյեմբերի 27-ին, կիրակի.—Այսօր Մայր տաճարում, Ավագ և. սեղանի վրա, և. պատարագ մատուցեց գերաշնորհ Տ. Պարգև եպս. Մարտիրոսյանը:

«Հայր մեր»-ից առաջ քարոզ խոսեց Վեհափառ Հայրապետը (տես էջ 49):

• •

Նոյեմբերի 29-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

Դեկտեմբերի 8-ին, շաբաթ.—Տօն Սըրբոց Առաքելոց և առաջին լուսաւորչացն մերոց Թադէոսի և Բարդուղիմէոսի:

Այսօր Մայր տաճարում, Ավագ ս. սեղանի վրա, օրվա մեծ տոնի առթիւ, ս. պատարագ մատուցեց Տ. Մակար քհն. Տերտերյանը:

Դեկտեմբերի 11-ին, կիրակի.—Բարեկենդան Ս. Յակովբայ պահոց:

Այսօր Մայր տաճարում, Ավագ ս. սեղանի վրա ս. պատարագ մատուցեց Մայր Աթոռի դիվանապետ գերաշնորհ Տ. Ներսէս սրբեպս. Պողոսյանը: «Հայր մեր»-ից առաջ քարոզ խոսեց Վեհափառ Հայրապետը (տես էջ 36):

Հաւարտ պատարագի կատարւեց հոգեհանգիստ՝ երկրաշարժից զոհվածների հիշատակի համար:

Դեկտեմբերի 25-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Տ. Սեպուհ արք. Չուլջյանը: «Հայր Մեր»-ից առաջ քարոզ խոսեց ուխտավորաբար Մայր Աթոռում գտնվող Ուրուգվայի հայոց առաջնորդական տեղապահ հոգեշնորհ Տ. Հակոբ ծայրագույն վրդ. Գըլմճյանը՝ «Զարթիր, զարթիր, Սիոն, զգեցիր զգործիւն քո, Սիոն, և դու զգեցիր զփառս քո, Երուսաղէմ» (Եսայի ԾԲ 1) բնաբանով:

Դեկտեմբերի 26-ին, երկուշաբթի.—Սըրբոյն Ստեփաննոսի նախավկային և առաջին մարտիրոսին:

Այսօր Մայր տաճարում, Ս. Ստեփաննոսի խորանին, օրվա մեծ տոնի առթիւ, ս. պատարագ մատուցեց Տ. Նաւասարդ սրբ. Կճոյանը և հաւոր պատշաճի քարոզ խոսեց:

